

# Penuhi cuti dengan program ilmu

Sinar Harian (Kuantan) 23/12/10 (Selasa) ms: PA

KUANTAN - Penganjuran Kem Cuti Sekolah 'Anak Soleh' anjuran Biro Pendidikan dan Pembangunan, Persatuan Wanita UMP (Matahari) yang buat julung kalinya diadakan mencapai sasaran apabila berjaya mengumpulkan seramai 60 peserta dalam kalangan anak-anak staf UMP di bilik latihan CEN-FED, UMP di Gambang.

Presiden Persatuan Matahari, Dr. Mimi Sakinah Abdul Munaim berkata, penganjuran program sempena cuti persekolahan ini membolehkan anak-anak staf mengisi cuti sekolah dengan perkara berfaedah seperti penekanan mengenai kepentingan mendirikan solat sejak kecil lagi.

"Program ini memberi penekanan tentang keberkesanan solat dalam kehidupan seharian. Mereka dilatih tentang panduan me-

ngerjakan solat secara teori dan praktikal.

"Penganjuran program ini mendapat sambutan menggalakkan, malah ada ibu bapa yang mendaftarkan anak mereka sungguhpun berumur di bawah 6 tahun untuk turut serta mengikuti keseluruhan program," katanya.

Program sehari ini mendapat kerjasama pensyarah daripada Pusat Bahasa Modern & Sains Kemanusiaan (PBMSK) dengan pengisian program yang berinteraktif dan menggunakan peralatan teknologi IT.

Penceramah terdiri daripada Mansor Sulaiman sebagai Koordinator, Tuan Sidek Tuan Muda, Husna Hashim dan Pegawai Hal Ehwal Islam UMP, Mohd. Hazmi Dibok.

Sementara itu, Mansor berkata, peserta dibahagikan kepada dua kumpulan, iaitu



■ Kanak-kanak yang mengikuti program ini gembira menamatkan Kem Cuti Sekolah 'Anak Soleh' bagi mengisi masa lapang mereka dengan ilmu agama.

satu kumpulan pertama yang berumur di bawah sembilan dan kumpulan kedua adalah peserta yang berumur 10 hingga 12 tahun bagi memudahkan tumpuan peng-

ajaran dalam kelas.

Peserta diajar cara mengambil wuduk yang betul, pemakaian yang sesuai ketika bersolat serta kelebihan solat yang diamalkan setiap hari.

Selain itu, Persatuan Matahari juga sedang bekerjasama dengan Majlis Perwakilan Pelajar (MPP) UMP dan Jabatan Hal Ehwal Pelajar & Alumni (SAFFAT) meng-

anjurkan Kempen Kami Prihatin - "Apakah Dosaku" pada 11 Januari depan yang dijangka dirasmikan isteri Perdana Menteri, Datin Seri Paduka Seri Rosmah Mansur.